



**Clypeus Theologiæ Thomisticæ**

In Tres Partes Divisus, Et Quinque Volvminibvs Comprehensvs

Tractatus de Beatitudine, de Actibus humanis, eorumque Moralitate, de  
Virtutibus ac Donis, de Vitiis ac Peccatis, & de Legibus, nec-non  
Dissertationem Theologicam de Probabilitate

**Gonet, Jean-Baptiste**

**Coloniæ Agrippinæ, 1671**

Art. V. In quo essentia peccati originalis consistat?

---

[urn:nbn:de:hbz:466:1-78232](#)

lem communicandam. De quo videri possunt  
Salmantenses disp. 14. dubio 6. §. 3.

Inseres septimò. Quod si Eva peccasset, Adamo non peccante, filii ejus non contraherent originale peccatum, bene tamen è contra: quia scilicet Eva non fuit instituta caput morale humani generis, sed solus Adam.

Dices: Præceptum de non comedendo, & comminatio mortis, non solum Adamo, sed etiam Eva facta sunt: Sed ex præcepto & comminatione suprà intulimus pactum Dei cum Adamo, quo fuit constitutus caput morale humani generis: Ergo uterque debet caput agnoscere aut collective, & consequenter ab utroque culpa originalis contrahitur. Unde sicut ad Roman. 5. dicitur: Per unum hominem peccatum in hunc mundum intravit, ita Eccle. 25. afferit quod à muliere initium factum est peccati.

Respondeo quod licet tam præceptum, quam comminatio mortis Adamum & Evans respexerint, diversimodè tamen; Evans quidem ut singulariter personam, Adamum vero tanquam caput naturae: unde à solo Adamo culpa originalis contrahitur, sicut ab eo solo iustitia originalis in statu innocentiae fuisset transfusa in posteros. Cum vero dicitur quod mulier est initium peccati, hoc intelligendum est per modum occasionis & suasionis, non vero per modum principii transfusionis, ut explicat D. Thomas 1. ad Corinth. 15. lect. 3. & in 4. dist. 1. qu. 2. art. 2. quæstiunc. 2. ad 1.

## ARTICULUS V.

In quo essentia peccati originalis consistat?

**I**T A difficile est peccati originalis naturam comprehendere, ut ipse Augustinus Doctorum aquila, cuius acies perspicacissima seceriora divina gratiae arcana penetravit, ad hujus difficultatis aspectum caligare, & in hac questione anceps dubiusque hærcere videatur: nam in Epistola ad Hieronymum suam ignorantiam fateri non erubescens, ab illo petit edoceri, & libro de moribus Ecclesiæ cap. 22. dicit: Hoc peccato antiquo nihil est ad prædicandum notus, nihil est ad intelligendum sacretius. Unde cum, teste Tertulliano lib. 2. de Nat. Varietatis opinionum veniat ex ignorantia veritatis, non mirum, si in hujus difficultatis resolutione Authores ita inter se dividantur, ut ferè tot sint sententiae quot capita? Antequam eas referamus, & quid in hac materia probabilius, & menti S. Doctoris conformius sit, declaremus, errores Hæreticorum hujus temporis breviter confutandi sunt. Unde sit.

## §. I.

Hæreticorum errores referuntur ac refelluntur.

**I**NTER errores, qui circa naturam peccati originalis his temporibus prodierunt, primus & omnium absurdissimus est error Matthæ Flaccii Illirici, Lutheranorum rigidorum Patris, qui in libello de peccato originis afferit illud non esse accidens superadditum, sed ipsam substantiam animæ rationalis, quæ tota substantialiter manifist ex peccato Adami corrupta. Hic error, seu potius delirium, ab omnibus rejici-

Tom. III.

A tur. Primò quia incidit in Manichæorum hæresim, qui peccatum substantiam quandam seu naturam esse assertabant. Secundo, quia ex illo sequitur Deum esse authorem peccati originalis: cùm enim anima, utpote per creationem facta, solum caufetur à Deo, si seipsa, & non ratione alicuius superadditi, sit mala moraliter malitia originali, Deo talis malitia tribuenda erit. Tertiò, quia pugnat cum Tridentino sess. 5. canone 5. afferente per baptismum tolli totum id quod habet veram & propriam rationem peccati, cùm tamen per baptismum nihil substantiale animæ rationalis tollatur. Denique quia Philosophie principiis opponitur, ex quibus habet animam rationalem immortalē & incorruptibilem esse.

Ex his confutatis manet secundus error parum à precedenti distans, qui est Lutheri, Kemnitii. & aliorum hæreticorum, afferentium quod licet peccatum originale non sit ipsa anima rationalis, est tamen aliquid substantiale corporeum, ut cor, hepar, vel ipsum compositum, quod dicitur humana natura. De quo videri potest Belarminus lib. 5. de amissione gratiæ cap. 2.

C Tertijs eorumdem hæreticorum error, & ferè omnium qui Lutheri & Calvini semitis inciserunt, affirmat peccatum originale formaliter esse concupiscentiam & somitem, quæ nos ad malum inclinant. Qui error hoc uno arguemento proscribitur. Per baptismum tollitur in renatis quicquid habet veram & propriam rationem peccati, ut definitur in Tridentino sess. 5. can. 5. & constat ex verbis illis Apostoli ad Roman. 8. Nihil damnationis est in his qui sunt renati in Christo Iesu: At concupiscentia non tollitur per baptismum, sed ad agonem in renatis relinquitur, ut ibidem sancta Synodus docet, & colligitur ex D. Paulo ad Roman. 7. dicente, Video aliam legem in membris meis, repugnantem legi mentis mee &c. Ergo essentia peccati originalis nequit formaliter in concupiscentia consistere.

Hac ratio probat, non solum in baptizatis, sed etiam in non baptizatis, concupiscentiam non esse formaliter originale peccatum: nam si hoc tollitur per baptismum, & illa remanet, manifestum est, neque ante baptismum ipsam concupiscentiam secundum se fuisse peccatum originale formaliter.

E Objiciunt in primis hæretici varia Apostoli testimonia, in quibus concupiscentiam appellat peccatum inter quæ istud ad Roman. 7. celebre est, Jam non ego operor illud, sed quid habitat in me peccatum; id est concupiscentia: Sed illa non potest esse peccatum actuale, cùm non sit actus, sed habitus: Ergo erit peccatum originale.

Communi responsio est. Apostolum appellare concupiscentiam peccatum, non quod sit peccatum formaliter, sed quia ex peccato est, scilicet originali, & ad peccatum inclinat, videlicet actuale: seu quod id est, appellatur peccatum, quia est effectus peccati originalis, & causa peccati actualis. Ita Tridentinum sess. 5. can. 5. ubi sic dicitur: Hanc concupiscentiam, quam aliquando apostolus peccatum appellat, Sancta Synodus declarat Ecclesiam Catholicam nunquam intellexisse peccatum appellari, quod vere & propriè in renatis peccatum sit, sed quæ ex peccato est, & ad peccatum inclinat. Quam doctrinam desumptum Concilium ex Augustino lib. 1.

75

76

77

78

lib. I. retract. cap. 15. & lib. I. de nuptiis cap. 23. ubi dicit concupiscentiam vocari peccatum quia peccato facta est, cum iam in regeneratis non sit ipsa peccatum; sicut vocatur lingua locutio quam facit lingua, & manus vocatur scriptura quam facit manus. Itemque sic vocatur peccatum, quia peccatum, si vincit, facit: sicut vocatur frigus pigrum, non quod a pigris fiat, sed quod pigris faciat.

79 Sed contra hanc solutionem instabis ex eodem S. Doctore lib. 5. contra Julian. cap. 3. ubi sic ait: Sicut cecitas cordis & peccatum est, quo in Deum non creditur, & pena peccati quā cor superbū dignā animadversione punitur, & causa peccati, cum aliquid mali cordis errore committitur: ita carnis concupiscentia, adversus quā bonū concupiscit spiritus, & peccatum est, quia inest illi inobedientia contra dominatū mentis, & pena peccati est, quia redditā est meritis, inobedientis, & causa peccati est, defectione consentientis, vel contagione nascientis. Quibus verbis aperte docet concupiscentiam esse in se peccatum, & non solum causam vel effectum peccati.

80 Respondeo concupiscentiam idcirco ab Augustino dici esse peccatum, & non solum causam vel effectum peccati, quod sit vitium & infirmitas natura, prout à Deo fuit instituta, tollens primam illius integratatem & perfectiōnem; non autem quod sit propriè & formaliter peccatum aut offensa Dei: ibi enim agebat contra Pelagianos, afferentes concupiscentiam non esse malam, nec vitium aut infirmitatem naturae, sed rem prorsus indifferentem; contra quos dicit eam esse malam, ponamus peccati, ac vitium naturae institutae à Deo.

Dices, Comparat Augustinus concupiscentiam cum cecitate cordis, quā Deo non creditur: Sed hāc propriè & formaliter est peccatum: Ergo & concupiscentia.

Respondeo primò: Etiam si cecitas cordis est peccatum, non tamen sequeretur concupiscentiam apud Augustinum, esse peccatum; quandoquidem non est necesse, ut quā inter se comparantur, per omnia & in omnibus convenienter, sed tatis est quod in aliquo convenienter quod in omnibus iere comparationibus repetitur.

Respondeo secundò, ipsam cordis cecitatem, nisi sit aliquo pacto voluntaria, non esse propriè peccatum, ut constat in infidelibus negativè, qui nihil unquam de Evangelio audiērunt, nec audire potuerunt, in quibus propterea ignorantia mysteriorum fidei prorsus est inculpabilis, ut docet S. Augustinus Epist. 105. dicens: In illis qui non audierunt, neque potuerunt, pena peccati est non credere, non autem peccatum. Et S. Thomas 2. 2. qu. 10. art. 1. his verbis: Si infidelites accipiatur secundum negationem puram, sicut in illis qui nihil audierunt de fide, non habet rationem peccati, sed magis pone, quia talis ignorantia divinorum ex peccato primi parentis consecuta est.

82. Objicies secundò: Concupiscentia est formaliter malum morale: Ergo est peccatum formaliter: Sed non personale, ut patet: Ergo originalē. Antecedens, in quo est difficultas, suadetur primò: Id quod legi opponitur, est malum morale formaliter: Sed concupiscentia opponitur legi, juxta illud Pauli ad Roman. 7. sentio aliam legem in membris meis repugnantem legi sentis mea: Ergo est malum morale formaliter.

A ter. Secundo, Solum malum odio habetur à Deo, cum nihil odio habeat eorum quæ fecerit, & omnia fecerit, præter peccatum seu malum morale: At Deus concupiscentiam odio habet, ut docet Augustinus in illud Psal. 45.

*Maliſtiam autem non odiuit;* quocirca etiam iusti illam odio prosequuntur, juxta illud Pauli ad Roman. 7. *Quod odi malum illud facio:*

Ergo concupiscentia est formaliter malum morale. Probatur tertio idem Antecedens: Solum malum morale subterfugit Dei causalitatem, juxta illud Joan. 1. *sine ipso factum est nihil,* id est, Augustino interprete, sine ipso factum est peccatum, quod nihil est: Sed concupiscentia causalitatem Dei subterfugit; alias cum illa ad peccatum inclinet, Deus illam causans, ad peccatum i. stigaret: Ergo est formaliter malum morale.

• Respondeo, negando Antecedens, Ad cuius primam probationem, distinguo Majorem: Id quod legi opponitur formaliter ratione sui, est malum morale formaliter, concedo Majorem; quod legi opponitur tantum causaliter, nego Majorem. Similiter distinguo Minorem: concupiscentia opponitur legi, causaliter, concedo Minorem: formaliter, nego Minorem, & Consequentiam.

• Ad secundam probationem, nego Majorem: non enim solum odio habetur à Deo quod est malum morale formaliter, sed etiam quod est malum morale causaliter, id est causa malitia materialis, ut constat in habitu vitiōso, in materiali peccati, reduplicative ut tale est, seu prout fundat malitiam moralem: utrumque enim odio habetur à Deo, & tamen in neutro malitia moralis reperitur formaliter, sed causaliter tantum aut fundamentaliter. Ex quo patet solutio ad tertiam probationem, Major enim pariter neganda est: habitus siquidem vitiōsus, & materiale peccati, reduplicative ut tale, seu prout fundat malitiam moralem, non causantur à Deo, & tamen non sunt formaliter mala malitia morali, sed causaliter tantum vel fundamentaliter, ut dicabamus: unde licet concupiscentia accepta formaliter non causetur à Deo, non sequitur eam esse formaliter malam malitia morali, sed causaliter tantum, quatenus inclinata ad peccatum, & est causa illius. Poteſt etiam dici mala & peccatum materialiter, quia ut docet D. Thomas hic ar. 3. Peccatum originale materialiter est concupiscentia, formaliter vero defectus originale iustitia.

Sed quæres, an ly materialiter, à D. Thoma propriè & in rigore usurpetur, vel solum largè & impropiè, quatenus id quod consequent & illative ad peccatum originale se habet, quodammodo ejus materia dici potest?

Respondeo cum Salmanticensibus hic disp. 16. dub. 4. §. 3. concupiscentiam, juxta doctrinam D. Thoma, esse verè & propriè materialē originale peccati, eoque modo quo in actuā & exterior habet se ut materia, respectu interioris, vel conversio respectu avertionis. Ita enim expressè docet S. Doctor qu. 3. de malo art. 7. in corp. ubi sic concludit: Ignorantia & fomes sunt materialia in originali peccato, sicut conversio ad bonum commutabile in actuali. Et qu. 4. art. 2. multoties id repetit tam in corpore quam ad argumenta: in solutione vero ad 11. sic ait: Concupiscentia potest duplīciter considerari: uno modo secundum quod est in alio, & hoc modo concupiscentia qua est in parte ponitur causaliter.

sa originalis peccati, quod est in filio, & non est de essentia eius, sed præcedit ipsum: alio modo potest confidiri secundum quod est in eodem, & est tanta per modum materia, que est de essentia rei, & præcedit quodammodo per modum materiae, sicut corpus præcedit animam in ordine cause materialis.

## §. II.

Absurde vel improbabiles quorundam Catholicorum sententiæ excluduntur.

**P**RÆTER errores manifestos §. præcedenti confutatos, sunt quædam Catholicorum sententiæ, que licet heretica non sint, errorne tamen, aut errori proximæ censentur, vel saltem ut absurdæ & improbabiles communiter à Theologis rejiciuntur. Hujusmodi est sententia illa de qualitate morbida, causata ex sibilo serpente, in qua Gregorius Ariminensis, & quidam alii antiqui Theologi, essentiam peccati originalis constituant, de qua supra art. 3.

Ejusdem farina, seu fufuris est sententia Alberti Pighii, & Ambrosii Catharini, qui nihil intrinsecum in parvulis agnoscunt, in quo essentia peccati originalis constituit: unde illud constituant in peccato actuali Adami, prout extrinsecè parvulos peccatores denominant; indeque colligunt, peccatum originale non multiplex, sed unum numero, in omnibus parvulis esse. Eadem sententiam tuerit Alphonsus Salmeron super cap. 5. Epistolæ ad Roman. disp.

45.46. & 47.

Illa tamen ut erronea communiter rejicitur, & Vazquez hic disp. 132. cap. 3. eam errori Pelagii negantis originale peccatum in parvulis numerat. Et saltem negari non potest, quin sit in fide periculosa, & a predicto errore parum recedens; idoque aboliri iussa est in Indice expurgatorio, verbo Ambrosius Catharinus, poteritque breviter confutari. Primo, quia Apostolus ad Roman. 5. ait: *Per unum hominem peccatum intravit in mundum*: Sed hoc non potest verificari de peccato actuali Adami, cum illud fuerit actus immanens. Ergo præteractuale Adami peccatum datur aliquid intrinsecum, ad posterius ejus transiens, quo intrinsecè peccatores denominantur.

Secundo impugnatur predicta sententia: Tridentinum fest. 5. can. 3. docet peccatum originale per propagationem ab Adamo transfundi in posterios, omnibus inesse, esseque omnibus proprium. Et fest. 6. cap. 3. ait quod *Homines, dum conceipiuntur, propriam injustitiam contrabunt*: Sed peccatum quod fuit in Adamo nihil horum habet; neque enim inest ejus posteris, aut eos afficit intrinsecè, sed solum intrinsecè & moraliter; neque est uniuscujusque proprium peccatum, sed unum commune pro omnibus; neque est aliquid traductum per generationem tantum quod per causam: Ergo juxta Tridentinum aliquid distinctum à peccato Adami debet admitti, in quo essentia peccati originalis consistat.

Tertio, Idem Concilium ibidem comparat peccatum & injustitiam quam ex Adamo per generationem accipimus, cum justitia & sanctitate, quam à Christo Domino per baptismi regenerationem recipimus: Sed hec est nobis intrinsecè, inestque unicuique justificatio sua propria sanctitas, distincta à sanctitate ipsius Christi: Ergo similiter in unoquoque ex his

Tom. III.

A qui ex Adamo propagantur, deberet esse sua propria in iustitia, & peccatum intrinsecum, distinctum à peccato ipsius Adami.

Denique impugnatur: *Pœna damni, quæ est carentia divinae virtutis, & correspondet culpa originali, intrinsecè afficit omnes qui ante baptismum decedunt, neque est una pro omnibus, sed inest singulis unicuique propria, ut est per se notum*: Ergo & peccatum originale, alias non esset proportio inter culpam & penam.

Dices: *Ad Roman. 5. dicitur, Per inobedientiam unius peccatores constituti sunt multi: Sed constituti per aliquid, non denotat causam efficientem, sed formalem*: Ergo inobedientia actualis Adami, non effectivè, sed formaliter constituit parvulos peccatores; & consequenter in illa constituit essentia culpa originalis.

Respondeo quod licet regulariter, ly *constitui per aliquid*, causam formalem significet, non usurpatur tamen ab Apostolo in sensu formalis, sed causaliter, ut ex verbis sequentibus patet: *Sicut per inobedientiam unius peccatores constituti sunt multi, ita & per unius obedientiam iusti constituntur multi*: At per obedientiam Christi non constitutimur iusti formaliter, sed effectivè solum, quatenus Christi obedientia est causa meritoria iustitiae seu gratiae justificantis non formaliter, ut patet ex Tridentino fest. 6. can. 10. & 11. Ergo illa verba: *Per inobedientiam unius, non denotant causam formalem infestationis habitualis parvolorum*, sed duntaxat effectivam.

Tertia sententia, quæ ut absurdæ & improbabiles communiter rejicitur, afferit essentiam culpa originalis in reatu pœnae consistere. Hanc docuerunt Roffensis art. 2. contra Lutherum, Altisiodorensis tract. 28. cap. 2. & Durandus in 2. dist. 10. qu. 3. illamque Vazquez disp. 13. cap. 3. attribuit Augustino, & conatur ostendere alienas ab ejus mente esse glossas aliquorum, qui in vero & falso sensu mentem illius explicare voluerunt, de quo infra. Ceteris tamen Theologis improbabilis hæc sententia visa est: Nam nomine reatus intelligitur obligatio ad penam, vel condignitas pœnae: Sed in neutrō potest essentia culpa originalis consistere: Ergo non est in reatu constituenda. Minor probatur. Et in primis quod in obligatione luendi pœnam consistere nequeat, manifestum videtur: tum quia talis obligatio supponit culpam, cum nemo obligetur ad pœnam, nisi quia habet culpam: tum etiam quia perseverante culpā, potest tolli obligatio ad pœnam, si Deus peccatori pœnam remittat, ut potest. Quod vero essentia culpa originalis in reatu accepto pro condignitate pœnae consistere nequeat, haec ratione suadetur. Condignitas pœnae est proprietas consequens culpam, sicut condignitas præmii consequitur bonitatem moralem actus meritorii: Ergo essentia culpa originalis consistere nequit in reatu accepto pro condignitate pœnae.

Dices primò: Dionysius de divin. nomin. cap. 4. quem refert & sequitur D. Thomas infra qu. 87 art. 1. ad 2. ait, *puniri non est malum, sed fieri pœna dignum*: Ergo dignitas pœnae est malitia moralis, ac proinde sufficiens ut peccatum originale constitutum in ratione peccati.

Respondeo quod est pœna dignum, est malum moraliter, non primariò & per modum essentiae peccati, sed ex consequenti secundariò, & per modum proprietatis malitiae: sicut enim bo-

iii ij

num

89

90

91

92

93

num morale suas habet passiones, quæ non constituant essentiam bonitatis moralis, sed consequuntur illum, inter quas numeratur dignitas præmi vel laudis, quæ consequitur ad actum virtutis, ut docet D. Thomas supra qu. 21. art. 2. ita malum morale suis proprietatibus gaudet, & una ex illis est dignitas poena.

**94** Dices secundo: D. Augustinus variis in locis docet concupiscentiam in non baptizatis esse originale peccatum, non ratione sui, sed ratione reatus, & idem esse tolli reatum, ac tolli peccatum originale, et si maneat concupiscentia, quia licet mancat actu, transit reatu: Ergo ex mente Augustini peccatum originale in reatu consistit. **B**

**95** Respondet Vazquez, ubi supra, Augustinum revera in ea fuisse sententia: cum enim (inquit) circa essentiam peccati originalis multoties suam ignorantiam fateatur, nihil mirum, si vir alioquin doctissimus, & sanctissimus, difficultate rei oppressus, nihil aliud invenerit, in quo essentiam peccati originalis constiteret, quam reatum illum, & in re difficulti (ut loquitur Salas disp. 11. sect. 2.) probabiliter fuerit deceptus.

**96** Sed haec responsio S. Doctori, & toti Ecclesiae injuriosa videtur: Nam sententia illa quæ peccati originalis essentiam in solo reatu & obligatione ad poenam constituit, in Pelagianorum errorem incidit, ut fatetur ipse Vazquez loco citato num. 14. & patet manifestè: Pelagiani enim non negabant in posteris Adæ obligationem luendi penas, sed solum contendebant illam non oriri ex peccato parvulus proprio, seu in ipsis existente, sed ex peccato primi parentis; quod totum fatentur qui originalem culpam in sola obligatione ad poenam constituant: Ergo si hanc sententiam tenuit Augustinus, in Pelagianam heresim incidit, & verbis tantum, non re ipsa, originalem culpam in posteris Adæ admisit. Quod absurdissimum est, nec solum Augustino, sed etiam toti Ecclesiae injuriosum: cum sanctum illum Doctorem, ut præcipuum Pelagiana heresis extirpatorem, ac invictissimum fidei athletam & Atlantem Ecclesia veneretur & laudet. **D**

**97** Hac ergo rejecta solutione, responderi potest primo cum Montezino, Augustinum lib. 1. de nuptiis cap. 25 & 26. ubi predicitum insinuavit sententiam, non dixisse culpam originalem consistere in reatu poena, sed in reatu absolute: reatus autem absolute sumptus, est quid diversum à reatu poena, seu obligatione ad illam, & potest accipi pro essentia culpæ, in qua radicatur obligatio ad poenam: sicque de facto sumitur à D. Thoma hic quæst. 81. art. 3. ad 2. afferente per baptismum tolli peccatum originale secundum reatum, id est quantum ad culpam quo loquendimodo utitur Tridentinum less. 5. can. 5. & in Scriptura sacra sèpè reatus nomine culpa intelligitur, ut patet ex illo Exodi 32.. percusit Deus populum pro reatu vituli, id est pro culpa adoracionis vituli.

Secundò dici potest, quod si aliquando Augustinus in reatu poena essentiam culpæ originale constituit, non accepit reatum formaliter pro obligatione ad poenam, sed radicaliter & fundamentaliter, pro radice scilicet & fundamento talis obligationis, quæ est privatio iustitiae originalis, in qua, ut infra dicemus, essentia peccati originalis formaliter consistit.

## §. III.

Quorundam recentiorum Thomistarum sententia confutatur.

**Q**UIDAM recentiores Thomistæ existimant peccatum originale consistere formaliter in conversione habituali ad creaturam, seu in habitu inclinante hominem ad bonum commutabile ut in ultimum finem, causato in nobis ex peccato Adami. Ita docent Martinez hic qu. 82. art. 1. dub. 1. conclus. 4. Nunno 3. p. quæst. 86. art. 2. dub. 2. & Magister Herrera lib. de concep. virginis cap. 15.

Hæc sententia, licet majorem probabilitatem speciem praferat, quam præcedentes, gravibusque nitatur fundamentis, displicet nihil minus aliis D. Thomæ Discipulis. Primo, quia S. Doctor qu. 5. de malo art. 2 ait: In peccato originali non est conversio, sed sola aversio, vel ali. quid aversioni respondens, scilicet destruens anima à iustitia originali; & ideo peccato originali non debetur pena sensus, sed solum pena damni, scilicet carceris visionis divinae. Ergo juxta principia doctrinæ D. Thomæ, peccatum originale non potest consistere in conversione habituali ad creaturam ut ultimum finem, causata in nobis ex peccato Adami.

Confirmatur: D. Thomas locis §. sequenti citandis, nihil aliud in peccato originali agnoscit, nisi pro materiali concupiscentiam, & pro formaliter privationem originalis iustitiae. At si formaliter esset aliquid positivum, nimirum conversione habituali ad bonum commutabile, aliquid aliud importaret, imò privatio originalis iustitiae, ejus essentiam & rationem formalem minimè ingredieretur: Ergo &c.

Secundo, Ex peccato Adami non potest resulare in nobis aliqua qualitas, seu habitus inclinans animam in bonum commutabile ut in ultimum finem: Ergo in tali habitu, seu habituali conversione, peccatum originale consistere nequit. Consequentia manifesta est, peccatum enim originale ex præterito Adami peccato transfunditur & derivatur in posteris. Antecedens vero suadetur: Vel talis habitus derivatur in nobis ex peccato Adami ut à causa efficiente physica, vel duntaxat ut à causa morali? Neutrū dici potest: Ergo &c. Major patet, Minor probatur quantum ad primam partem. Si peccatum Adami esset causa physica transfusionis hujusmodi habitus, inclinantis animam in bonum commutabile ut in ultimum finem, vel id haberet ex natura sua, vel ex elevatione divina, vel ex vi pasti quo Deus Adamum constituit sua posteritatis caput? Sed ex nullo ex his capitibus id potest habere: Ergo non potest esse causa physica transfusionis illius habitus in posteris. Major patet a sufficienti enumeratione eorum, à quibus dictam causalitatem peccatum Adæ sorori poterat. Minor autem pro prima parte manifesta videtur. Atius enim quo Adam peccavit, sicut immanens ex natura sua: Ergo solum habet ex ilia, & attinet quæ illi ab intrinseco competunt, posse terminum physicè in proprio subiecto producere; hac enim est natura actus immanens.

Secunda etiam pars Minoris non minus visetur perspicua, quia alias transfusio culpæ originalis Deo tribueretur, effeteque ab illo ut authore speciali; quod non minus ei repugnat quam

quam esse causam peccati actualis. Sequela patet: si effectus enim proveniens ab aliquo ut elevato, attributur elevatio, ut in effectibus omnium instrumentorum videre licet: Ergo si peccatum Adami physice efficiens ex elevatione divina ad peccati originalis, seu praedicti habitus, in quo Adversarii peccatum originale formaliter constitutum docent, transmutationem concurreret, Deo ut causa speciali ejus trasfusio tribueretur.

Tertia vero pars siadetur: Actus ille ex vi patet non fuit immutatus physicè, sed ad summum moraliter: Ergo quoad physicum influxum aque impotens mansit, supposito pacto, ac erat ante pactum; transitus enim de non potente physicè in physicè potentem, cum physicus & intrinsecus sit, physicam & intrinsecam variationem exposcit.

Ex hoc confutata manet solutio aliorum, qui dicunt peccatum Adami habere quod sit causa illius habitus, inclinantis animam in bonum commutabile, ex eo quod est peccatum capitalis, habentis proinde vim infectivam totius naturæ. Nam peccatum Adami, ex eo quod fuerit peccatum capitalis, nihil physicum habet, quod non haberet, si esset ab illo patratum ut à singulari persona: At hoc secundo modo peccatum ab ipso non haberet vim ad physicè producendum prædictum habitum in nobis: Ergo neque illum habet, licet ab ipso ut à capite natura committatur.

Secundò probatur eadem prima pars Minoris principalis. Peccatum actuale Adamo non existit modò physicè: Ergo nequit physicè efficiens influere in prædictum habitum ad bonum commutabile inclinantem, in quo Adversarii peccatum originale constituantur.

Dices, quod licet peccatum Adami non existat formaliter in se, existit tamen virtualiter in semine corrupto, quod est instrumentum productivum naturæ, & peccati originalis consequens naturam.

Sed contra: Illud peccatum nihil physicum produxit in semine, per quod in ratione instrumenti physicè in prædictum habitum influenter constituerecur: Ergo nequit virtualiter existere in semine. Consequens, patet, nam agens principale solum existit virtualiter in alio, vel quando est virtus illius ex natura sua, sicut calor est virtus signis, vel quando aliquid in illo producit, ratione cuius illud sibi subordinet: At semen ex natura sua non est virtus peccati Adami, sed solum naturæ humanae: Ergo si in semine nihil physicum ex peccato Adami derivetur, non potest tale peccatum in eo virtualiter remanere. Ante, cedens autem probatur primo ex jam dictis: nam illud physicum nequit ex peccato Adami ex sua natura, & attentis illis qua ab intrinseco talii peccato competunt, efficiens causari, cum attentâ physica entitate illius, sit ejusdem rationis ac si capitale non esset: nec ex elevatione divina, neque ex vi pacti, ut jam ostendimus. Ergo nihil physicum ex illo potest derivari in semen &c. Secundò idem Antecedens suadetur ex dictis supra art 3. Vel illud physicum per peccatum Adami productum in semine, esset qualitas morbida permanenter i si inhærens, ut volvuntur Gregorius, Richardus, & alii antiqui Theologii; vel qualitas fluida, seu motio intentionalis, semen subordinans peccato Adami ut cause principali, sicut aliqui ex nostris Thomistis existimant? Neutrū dici potest, ut ibidem evi-

A denti ratione monstravimus: Ergo ex peccato Adami nihil physicum potest produci in semine, per quod in ratione instrumenti physici ad producendum prædictum habitum, in quo Adversarii peccatum originale consistere docent, constituantur.

Dices, ex hac ratione sequi, quod etiam juxta nostram sententiam, constituentem peccatum originale in privatione, semen non possit per modum instrumenti physici ad ejus productionem concurrere, scilicet oppositum supra art. 3. docuimus.

B Sed negatur sequela, nam juxta sententiam constituentem peccatum originale in privatione, non requiritur ad ejus efficiens superadditio alicuius virtutis positiva in semine, sicut necessaria est juxta constituentem illud in habitu; sed sufficit vis quædam privata, seu defectus vigoris ad communicandum justitiam originalem, quo pollebat in statu innocentia, ut ibidem declaravimus.

C Secunda pars Minoris principalis, in qua diximus, Adamum per suum peccatum non posse esse causam efficiens duntaxat moralem praedicti habitus, ad bonum commutabile inclinantis (in quo Adversarii peccatum originale constituant) b eviter suadetur. Tum quia causa moralis non præbet ex i sua sufficientem influxum in effectum, quo illum executioni mandet, sed tantum ad id moveat & excitat alienam voluntatem: constat autem Adamum non hoc modo ad peccatum originale, quod in nobis transmittitur, concurrere, cum nulla sit alia voluntas quam moveat & excite ad ejus productionem. Tum etiam quia causa moralis alicuius effectus semper debet habere comitem causam ejus physicam, nempe illum voluntatem quam allicit & moveat ut illum executioni mandet: Ergo quicquid sit de causalitate morali Adami in nostrum peccatum, debet necessariò concedi aliqua causa physica, qua ad illud executivè concurrat.

D Hæc sententia magis confutabitur ex dicendis disputatione sequenti, ubi ostendemus peccatum habituale personale non constitutere in habitu inclinante voluntatem in bonum commutabile ut in ultimum finem: si enim Adamus in sua propria voluntate non produxit talem habitum quando deliquerit, neque illum producunt alii peccatores, non est cur ab ipso Adamo produci debeat in voluntate parvolorum, in quibus non plura requirendā sunt proconstituendo originali peccato, quam in eodem Adamo & in reliquis pro constituendo habituali peccato personali, ut de se manifestum est.

## §. IV.

E Vera sententia explicatur, & autoritate D. Thomæ fulcitur.

L Icet in hac questione difficile non sit alio-  
rum impugnare placita, & ostendere quid non sit originale peccatum, veram tamen proferre sententiam, & explicare quid illud sit, & in quo ejus ratio formalis constat, difficillimum apparet, eo quod hujus peccati natura obscurissima sit, & humanae mentis aciem planè transcendet. Attamen ea opinio videtur probabilior, ac menti & doctrinæ D. Thomæ conformior, qua docet rationem formalem constitutivam peccati originalis, esse privationem justitiae ori-

gina-

III iij

ginalis, voluntariam nobis ex vi peccati Adami, non ut tollit omnes ejus effectus, sed ut auferat præcipue ipsius effectum primarium, communem tali justitiae & gratiae sanctificanti. qui est sanctificare & rectificare animam in ordine ad Deum. Ita communiter sentiunt nostri Thomistæ, & plures ex Recentioribus, faverque D. Anselmus lib. de conceptu Virg. cap. 26. ubi ait: *Peccatum originale aliud intelligere nego in ipsis infantiorum per inobedientiam Ade, nisi nuditatem iustitiae.* Sed præ omnibus hanc sententiam clarissime docet S. Thomas hic qu 82. art. 3. ubi exprefse dicit quod *privato originali iustitiae, per quam voluntas subdebat Deo, est formalis in peccato originali.* Et deinde sic concludit: *Peccatum originale materialiter quidem est concupiscentia, formaliter vero est defectus originalis iustitiae.* Similia habet qu. 3. de malo art. 7. dicens, *In peccato originali est aliqua formalis, scilicet carentia originalis iustitiae: quod etiam repetit qu. 4. art. 2. in corp. & ad 10. & pluribus aliis in locis, quæ brevitatis causâ pratermitimus.*

**110.** Nec valet responsio Gregorii de Martinez, dicentis D. Thomam locis citatis non sumere *ly formale*, pro constitutivo, sed pro consequenti & completivo, quemadmodum nos ipsum exposuimus supra disp. 3. art. 1. §. 2. dum affirmat privationem & averptionem habere se formaliter in peccato actuali. Non valet, inquam, haec interpretatione. Tum quia D. Thomas ita assignat pro formaliter peccati originalis privationem justitiae originalis, ut nullius alterius formalis, neque in eisdem locis, neque alibi, mentionem faciat: si autem sentiret dari aliud constitutivum formale & primarium, ejus procul dubio exprefse & formaliter aliquando meminisset. Tum etiam, quia locis citatis adæquate explicat totum quod ad constitutionem peccati originalis concurrit, per privationem qua appellat *formale*, & per illud quod vocat *materiale*; & id est ratio formalis constitutiva illius debet in uno ex ipsis duobus contineri: Sed non continetur in illo quod appellat *materiale*, ut patet; cum nihil aliud sit praeter concupiscentiam, quam omnes Catholici debent à formaliter peccati originalis excludere, ut §. 1. ostendimus: Ergo includitur in eo quod appellat *formale*, quod est privatio *justitiae originalis*.

**111.** Nec huic evasioni faveat id quod de peccato actuali subditur: nam pro hujus constitutivo habemus plura D. Thomæ testimonia, loco citato adducta, quibus exprefse affirmat dari in peccato actuali malitiam positivam & contraria, illudque specificari in ratione peccati, per tendentiam positivam ad obiectum dissonum rationi & legi, cum quibus stare nequit quod constituitur per privationem; & id est quando hanc appellat *formale*, jure optimo id exponimus de formaliter consequenti & completivo: sed pro peccato originali nullum est testimonium, in quo affirmet constitui per positivum, aut dari in eo aliquid aliud pro formaliter, præter privationem originalis justitiae, imò in omnibus locis in quibus hanc questionem pertractat, tale formale excludit: unde testimonia adducta non nisi de formaliter & primario ac essentiali constitutivo intelligi possunt.

**112.** Non valet etiam quod alii dicunt, nimirum D. Thomam locis citatis, ubi pro formaliter constitutivo peccati originalis, privationem justitiae ori-

**A** ginalis assignat, non loqui de tali peccato ut peccatum est, & ut habet rationem mali mortalium, sed prout habet rationem mali simpliciter. Non inquam valet, nam manifestum est S. Doctor locis citatis, & præfertim hic tota quæst. 82. agere de peccato originali secundum sibi propria, & ut culpa & malum morale est, ac inordinata dispositio naturæ humanae, specialique ratione justitiae originali oppositum, non verò ut est malum simpliciter, & prout cum malis malis etiam non moralibus convenit.

### §. V.

#### Rationes Theologicae exponuntur.

**P**RÆTER testimonia jam adducta, plures sunt rationes Theologicæ, quibus hac sententia 113 suaderi potest. Prima est. Culpæ originalis non est peccatum actualē, sed habituale, cum permaneat in anima pueri, donec per gratiam baptismalem deleatur: Atqui peccatum habituale non consistit formaliter in positivo, sed in privativo, nimirum in privatione gracie sanctificantis, ut disputatione sequenti ex S. Thoma ostendemus: *Ergo & peccatum originale.*

Secunda ratio. Peccatum originale formaliter & essentialiter consistit in eo quod per se primò tollitur per baptismum; cum hoc sacramentum ad delendam culpam originalem institutum sit: Sed per baptismum per se primò tollitur privatio *justitiae originalis*, quantum ad effectum primarium, cum per illud per se primò conferatur gratia habitualis, mentem Deo conjungens: Ergo peccatum originale consistit formaliter in privatione *justitiae originalis*, ut afferit effectum ipsius primarium communem tali *justitiae*, & *gratiae sanctificantis*, qui est rectificare animam, & ipsam Deo ut ultimo fini conjungere.

Tertia ratio: Illud in unaquaque se habet 115 ut ratio constitutiva, à quo tanquam à radice & origine cetera ad illam pertinentia dimanant & consequuntur: S. d. à privatione *justitiae originalis*, quantum ad primum ejus effectum, conjunctionem scilicet mentis ad Deum, diminant alia deordinationes ex peccato Adami ad nos transuersæ per generationem: Ergo talis privatio est ratio constitutiva peccati originalis. Major patet, Minor probatur. Ex peccato Adami derivantur in posteris fomes, seu concupiscentia, & rebellio appetitus inferioris contra superiorem, penitentes corporæ, ut morbi, dolores, defatigatio corporis, necessitas moriendi, aliisque miserias quas quotidie experimur, & quæ naturæ vulnera appellari solent, ut declarat S. Thomas infra qu. 8. art. 3. ubi docet quatuor esse vulnera naturæ ex peccato consequentia, nempe infirmitatem, ignorantiam, malitiam, & concupiscentiam: omnes autem illæ deordinantes & vulnera, ex privatione *justitiae originalis* quantum ad primum ejus effectum procedunt, ut ibidem explicat S. Doctor his verbis: *Per iustitiam originalem perfecte ratio continet inferioris animæ vires, & ipsa ratio à Deo percibetur ei subiecta.* Hac autem originalis iustitia subtrahita est per peccatum primi parentum: & ideo omnes vires animæ remanent quoadmodo destinatae proprio ordine, quo naturaliter ordinantur ad virtutem, & ipsa destituta, vulneratio dicitur nature. Id ipsum fuscæ & elegantæ exponit opusc. 3. cap. 192. ubi sic discurrit: *Quia dicta statim*

<sup>113</sup> **A** fata (scilicet justitia originalis) tam ordinata integritas tota causabatur ex subiectione humanae voluntatis ad Deum, consequens fuit, ut subdita humana voluntate a subiectione divina, deperiret illa perfecta subiectio inferiorum virium ad rationem, & corporis ad animam: unde consequentum est, ut homo sentiret in inferiori appetitu sensibili concupiscentia, & ira, & caterarum passionum inordinatos motus, non secundum ordinem rationis, sed magis ei repugnantes, & eam pleniusque obnubilantes, & quasi perturbantes: & hoc est repugnantia carna ad spiritum, de qua scriptura loquitur &c. Et cap. sequenti: Consequitum est etiam ut in corpore sentiretur corruptio nis defectus, ac per hoc homo incurveret necessitatem moriendi, quasi anima iam non valente corpus in perpetuum continere, vitam ei praebendo; unde homo factus est passibilis & mortalis, non solum quasi potens pati & mori ut antea; sed quasi necessitatem habens ad patientium & moriendum. Quibus verbis S. Doctor aperte declarat, omnes deordinationes & miseras per Adamum peccatum ad nos transfusas, ex privatione justitiae originalis, quantum ad primum & praecipuum ejus effectum, qui erat mentem Deo ut ultimo fini perfecte subjecere, veluti rivulos a fonte, & ramos a radice, procedere.

<sup>114</sup> **C** Idem dicendum de pena damni peccato originali debita: nam pueri ratione privationis gratiae, vel (quod idem est quod præsens) originalis justitiae, quantum ad effectum primarium, ut orta ex Adamo peccato, quovis alio seculo, sunt indigni gloriae seu visione beatificae, & habent dignitatem ad penam damni, que in carentia divinae visionis consistit: sicut in statu integritatis & innocentiae justitia originalis eos fecisset dignos vitam aeternam per modum hereditatis: unde cum dignitas penae sit proprietate consequens culpam, in privatione justitiae originalis, quantum ad primarium ejus effectum, peccati originalis essentia debet consistere.

<sup>115</sup> **D** Quarta ratio: Privatio voluntaria gratiae, seu originalis justitiae secundum effectum primarium, ut est in nobis voluntarius terminus peccati actualis Adami, habet quicquid requiritur ut sit formaliter peccatum habituale: Ergo cum non sit peccatum personale, ut patet in pueris, qui ante omne perlonale delictum tali privatione maculantur, oportet ut sit ipsum peccatum origine. Consequientia manifesta est, Antecedens probatur primò: quia talis privatio, ut ex Adamo peccato orta, nihil est aliud nisi habitualis & voluntaria aversio a Deo sine ultimo & suprematurali; sicut enim gratia sanctificans est ipsa unio & conversio habitualis hominis ad Deum ut finem supernaturalem, ita ejus privatio, quatenus prædicto modo voluntaria, est habitualis aversio & separatio ab illo: Sed peccatum mortale habituale, non est aliud quam huiusmodi aversio & separatio, ut disp. sequenti patet: Ergo talis privatio, ut ex Adamo peccato orta, est formaliter peccatum habituale in parvulis. Secundo: quia sicut gratia est supernaturalis vita anima, ejusque cum Deo amicitia, sanctitas, munditia, & decor, ita privatio voluntaria gratiae est ejusdem animae mors, inimicitia cum Deo, iniquitas, iminunditia, & macula, quod & nihil amplius peccatum habituale importat, ut ibidem ostendemus.

<sup>116</sup> **E** Addo quod, peccatum habituale nihil est aliud quam carentia voluntaria justitiae seu re-

stitutio habitualis animae debita: Sed privatio justitiae originalis est carentia voluntaria justitiae seu restitutio habitualis animae debita: Ergo in parvulis est peccatum habituale. Minor probatur: In primis enim haec carentia est voluntaria voluntate primi parentis, in qua omnium posterorum voluntates ut in capite continabantur, est etiam carentia justitiae seu restitutio habitualis nobis debita, cum Adamus ex lege & pacto cum Deo inito, justitiam originalem non sibi soli, sed etiam ut posteris transfundendam acceperit: Ergo talis privatio est carentia voluntaria justitiae seu restitutio habitualis animae debita; subindeque habet omnia requisita ad rationem peccati habitualis.

<sup>117</sup> **B** Ultima ratio: Peccatum originale non consistit in peccato actuali Adami præterito, ut extrinseco parvulos peccatores denominantur, sed est aliquid ex Adamo peccato ad nos traductum, receptum in anima vel potentis, & ab eis diffunditum: At hoc non potest esse aliquid positivum, neque ex privationibus potest esse alia quam privatio gratiae, seu justitiae originalis quoad effectum primarium: Ergo in tali privatione peccatum originale consistit. Major supra §. 2. contra Pighium, Catharinum, & Salmeronem demonstrata est. Minor etiam quoad primam partem patet ex supra dictis: ostendimus enim peccatum originale non posse formaliter consistere in concupiscentia, neque in qualitate morbida & fibilo serpentes caulata, neque in reatu penae, nec denique in habitu animam ad bonum commutabile inclinante, seu in conversione habituallia creaturam; vix autem aliud positivum, in quo consistat, assignari vel imaginari potest. Probatur vero quantum ad secundam: Tum quia sola privatio justitiae originalis est omnino prima, radixque & origo caterarum; quæ ad peccatum originale spectant, ac proinde ipsa duxerat potest illud constituere. Tum etiam quia eo proportionali modo debemus in peccato originali coordinare privationes ad illud pertinentes, quo coordinantur in originali justitiae perfectiones quæ pertale peccatum auferuntur: Sed inter has sola illa perfectio quæ residet in anima, & illam rectificat in ordine ad Deum, est prima & constitutiva essentia ipsius originalis justitiae, cateræ autem habent se vel materialiter, vel ut proprietates consequentes: Ergo pariter in peccato originali privatio illius prima perfectionis erit essentialis & constitutiva: reliqua vero inde subsecuta, vel materialiter, vel per modum proprietatis ad illud pertinebunt.

<sup>118</sup> **C** Addo quod, cum peccatum originale sit peccatum naturæ, in illa privatione consistere debet, quæ prius & immediatus ipsam naturam afficit: haec autem est privatio justitiae originalis secundum effectum primarium; sicut enim iste effectus erat immediata in essentia animæ, quæ est propria hominis natura, ita ejus privatio immediate & primò eandem naturam afficit: ipsa ergo erit propria & formalis ratio talis peccati constitutiva; reliqua vero, quæ sunt in voluntate & aliis potentis, pertinebunt ad illud secundario & ex consequenti, sicut ipsæ potentiae pertinent ad naturam.

<sup>119</sup> **D** Dices cum Curie, ex peccato Adami derivari in posteris privationem habitualem conformitatem ad legem quam transgressus est, hancque privationem videri aptiore omnibus aliis ad peccatum originale constituentem; quia cum de

de

de ratione peccati sit contrarietas & oppositio ad A legem, omne peccatum debet constitui per aver-  
sionem ab illa ; illa quidem ut si peccatum sit  
actuale, constituatur per aversionem actualem,  
qua est privatio conformitatis in ipso actu ; si  
vero sit habituale, sicut est originale, constitu-  
tur per habituali aversionem, qua est priva-  
tio conformitatis habitualis debita haberi a sup-  
posito.

**121** Sed contra primò : Ex peccato Adami solùm derivatur in posteris privatio forma debita ex vi pacti in paradiso initi : Sed ex vi talis pacti nulla alia forma erat debita, præter justitiam originalem, & perfectiones in ea inclusas. Ergo nullius alterius formæ seu habitus privatio ex peccato Adami derivatur in posteris. Major patet. Minor probatur : Tum quia Deus nihil promisit Adamo pro suis posteris, præter justitiam originalem, & perfectiones in ea inclusas. Tum etiam quia sola illa forma seu perfectio erat debita parvulis, quam Adamus transfudisset cum natura, si non peccasset. Sed si non peccasset, nihil traduxisset in posteris, præter originalem justitiam, neque isti ab illo aliquid aliud hæreditassent : Ergo nihil aliud erat eis debitum.

**122** Contra secundò : Sicut in nobis habitualis conformitas ad legem, non est aliqua forma, vel habitus distinctus a gratia & virtutibus, qua manent in eo qui legem adimpleret, & per quas est habitualiter dispositus, atque in præparatione animi ad eam servandam, quoties aliqua ejus præcepta occurrerint; ita nec in Adamo, si legem observasset, habitualis conformitas ad ipsam, fuisset alia forma vel habitus, quam ipsa justitia originalis, & perfectiones ac virtutes in ea inclusæ, per quas ad legis observationem fuisset habitualiter dispositus : Ergo privatio habitualis conformitatis ad legem, nec in Adamo, nec in ejus posteris, aliud esse potest quam privatio ori-  
ginalis justitiae.

### §. VI.

#### Principales objectiones solvuntur.

**123** **O** BIECIUNT in primis Adversarii quædam testimonia D. Thomæ, in quibus peccatum originale in aliquo positivo videtur constituere : nam hic qu. 82. art. 1. in corp. dicit quod peccatum originale est habitus, sicut ægritudo, & in solut. ad 1. inquit quod non est privatio pura, sed habitus corruptus : habitus autem ex ipso nomine aliquid positivum importat. Denique in eodem articulo, tum in corpore, tum ad argumentum, appellat peccatum originale languorem naturæ, qui etiam aliquid positivum sonare videtur.

**124** Respondeo D. Thomam appellasse peccatum originale habitum similitudinari & metaphorice, quia habitui assimilatur, non solùm in eo quod habitualiter permanet, sed etiam quia cum de ratione habitus sit disponere bene vel male in ordine ad naturam, ut ex ejus definitio-  
ne constat, quicquid prædicto modo disponit, largè & impropriè dicitur habitus : unde cum per privationem justitiae originale partes humanae naturæ male se habeant, sintque in ordine ad ipsam naturam prædispositæ, talis privatio à D. Thoma habitus appellatur. Cum vero subdit, peccatum originale esse ægritudinem & lan-  
guorem naturæ, loquitur in sensu causali, non

formali, & intendit solùm quid sicut sublatâ sa-  
nitate sequitur ægritudo corporalis, ita sublatâ  
justitia originali, & subjectione animæ ad Deum,  
qua erat perfecta ejus sanitas, sequitur languor &  
inordinatio potentiarum animæ, & concupis-  
centia seu fomes peccati, qua ad materiale peccati  
originalis pertinent, ut supra ex Divo Thoma  
vidimus.

Objiciunt secundo. Si peccatum originale in  
privatione justitiae originale consisteret, non tolleretur per baptismum. Sed hoc dici nequit,  
cum hoc Sacramentum ad tollendum originale  
peccatum institutum sit : Ergo nec illud. Seque-  
la Majoris probatur. Originalis justitia non re-  
stituitur per baptismum, quia post illum adhuc  
in nobis remanet concupiscentia, & vires inferiores rationi resistunt : Ergo si peccati in origi-  
nale in talis justitiae privatione consistat, sequitur  
illud non tolli per baptismum.

Respondeo cum S. Thoma qu. 4. de malo art.  
2. ad 2. quod iustitia originale restituitur in ba-  
ptismo, quantum ad hoc quod superior pars anime  
coniungitur Deo, per cuius privationem incre-  
reatus culpa, sed non quantum ad hoc quod ra-  
tioni subiectiuntur inferiores vires : ex hismodi  
enim defectu est concupiscentia, que manet post  
baptismum. Ex quo patet quam ad mentem ipsius supra dixerimus, formale constitutivum pec-  
cati originalis esse privationem originale justi-  
tiae, non ut tollit omnes ejus effectus, sed ut au-  
ferat præcise ipsius effectum primarium, commu-  
nem tali juctitiae & gratiae sanctificanti, qui est  
sanctificare animam, tamque Deo ut ultimo fi-  
ni conjungere : nam talis effectus nobis perba-  
ptismum restituitur, cum in ipso gratia habitualis  
nobis infundatur, per quam anima sanctifi-  
catur, & Deo ut fini ultimo habitualiter con-  
jungitur.

Objicitur tertio : Peccatum originale non so-  
lum dicit averzionem a Deo ut ultimo fine, sed  
etiam conversionem ad bonum commutabile,  
tanquam ad finem ultimum : Atquitalis conver-  
sio est aliquid positivum : Ergo peccatum origi-  
nale non consistit aequalitate in privatione gratiae  
seu originale justitiae, sed ejus essentia seu ratio  
formalis ex positivo & privativo conflatur. Mi-  
nor videtur certa, Major vero suadetur. Parvulus  
in peccato originale existens habet aliquem  
ultimum finem : Sed non habet Deum pro fine  
ultimo, cum sit aversus ab illo : Ergo est conver-  
sus habitualiter ad creaturam tanquam ad ulti-  
mum finem.

Confirmatur : Non patet dari recessus a ter-  
mino a quo, sine accessu ad terminum ad quem:  
Ergo neque aversio a Deo, sine conversione ad  
creataram.

E Respondeo primò, peccatum originale, ad-  
æquate sumptum, tam averzionem a Deo ut ul-  
timus fine, quam conversionem ad bonum com-  
mutabile tanquam ad finem ultimum importa-  
re; cum hoc tamen discrimine, quod avercio ad  
rationem ejus formalem spectat, conversio vero  
est extra totum formale originale culpe, & ad  
summum de materiali ad illam pertinet, sicut de  
concupiscentia supra dicebamus. Et in hoc sensu  
explicari potest S. Thomas, dum ait qu. 5. de ma-  
lo artic. 2. quod in peccato originale non est con-  
versio, sed sola aversio : non enim excludere in-  
tendit conversionem ad bonum commutabile a  
peccato originali adæquate sumpto, sed solùm  
ab ejus quidditate & ratione formali.

Secun-

Secundò responderi potest distinguendo Majorem: peccatum originale dicit conversionem ad bonum commutabilem, formalem & positivam, nego Majorem: virtualem & interpretativam, concedo Majorem. Similiter distinguo Minorem: conversionem ad creaturam formalis & positiva, aliquid positivum est, concedo Minorem, virtualis & interpretativa, nego Minorem: hęc enim conversio licet ad modum alicujus positivi concipiatur, tamen formaliter nihil est praepter privationem; est enim sola aversio à Deo ut ultimo fine, qua vocatur conversio interpretativa, quia praebet sufficiens fundamentum ut possimus interpretari voluntatem pueri in peccato originali existentis, & dicere eam magis ad creaturam quam ad Deum esse affectam. Unde ad probacionem Majoris dicendum est, parvulum existentem in peccato originali, habere quidem Deum ut est primum existendi principium pro ultimo fine naturali (eo modo quo creaturæ irrationales in Deum ut ultimum finem ordinari dicuntur, in quantum aliquam ejus similitudinem & perfectiō nem participant) sed nullum habere ultimum finem moralem, nisi virtualiter & interpretativa, ut jam explicatum est.

Ad confirmationem dicatur, quid licet non possit dari recessus a termino a quo positivus, sine accessu ad terminum ad quem, benè tamen privativus, ut patet in Angelo, qui potest recessere ab uno loco, non accedendo ad alium, quia non recedit per modum positivum, sed per negationem operationis, quae est ipsi ratio locandi, ut ostendimus in tractatu de Angelis, unde cum aversio, quae est de essentia peccati originalis, non sit positiva, sed tantum privativa (est enim pura carentia subjectionis ad Deum tanquam ad ultimum finem) tale peccatum non importat conversionem ad creaturam, nisi virtualem & interpretativam.

Objicitur quartò: Etsi primus parens non accepisset justitiam originalem in posteris transfundendam, filii ejus originale peccatum contraherent: Sed tunc peccatum originale non consistet in privatione originalis justitiae: Ergo nec modo in tali privatione culpa originalis consistit. Minor patet: tunc enim carentia justitiae originalis non est privatio, sed pura negatio, cum in eo casu debito non esset talis justitia. Major vero suadetur: Etsi Adamus non accepisset justitiam originalem in posteris transfundendam, potuisset tamen caput illorum morale constitui: cum hoc ex solo beneficio divinae voluntatis dependeat, & ex supremo dominio quod habet in nostras voluntates, ut supra docuimus, subindeque Deus tunc potuisset nos in Adamo ad observantiam alicujus praecipti obligare: Ergo, illo peccante, posteri ejus peccant, & consequenter peccatum originale contraherent.

Respondeo quod si Adamus non accepisset justitiam originalem, vel aliam formam sibi conservandam, & in posteris traducendam, peccatum originale quod transferret in posteris, esset alterius essentiae & rationis ac modo est; tunc enim cum nihil intrinsecum ex ipso ad posteris posset traduci, quod haberet rationem peccati, culpa originalis in sola extrinseca denominatione, sumpta à peccato actuali Adami praepter & non retractato, formaliter constaret: siquidem nunc talem denominationem à constitutione peccati originalis idē rejicimus,

Tom. III.

A quia ex Conciliis & SS. Patribus supra citatis habemus tale peccatum esse aliquid manens in nobis, & intrinsecos afflictions; aut etiam, quia tam pro peccato originali, quam pro aliis habitualibus constitutus, habemus de facto privationem gratia intrinsecam & voluntariam, in qua, ut supra ostendimus, omnia ad talem effectum constitutum requisita concurrunt: ubi autem pro aliquo effectu constituendo adest ratio intrinseca sufficiens, non licet ad denominations extrinsecas recurrere.

Hęc solutio illustrari potest exemplo peccati habitualis personalis, quod ex actu peccaminoso resultat in anima, & in ea habitualiter permanet, donec per penitentiam retractetur, & per gratiam sanctificantem in justificatione infusum delectatur. Theologenim communis do-

cent,

cum S. Thoma infra referendo, tale peccatum in privatione gratia sanctificantis formaliter consistere; & tamen si Deus hominem ad ordinem gratiae non elevasset, sed in puris habitualibus ipsum condidisset, & ille tunc mortaliter peccasset, peccatum habituale ex actuillo peccaminoso resultans, non constitueret in privatione gratiae, sed in denominatione extrinseca desumpta ex actu peccati praeterito, vel in privatione naturalis rectitudinis rationis, aut in aliquo alio intrinseco vel extrinseco. Cur ergo patriter nobis non licet afferere quod si Adamus non accepisset justitiam originalem, vel aliam formam sibi conservandam, & in posteris traducendam, peccatum originale in illo casu, aut statu, foret alterius essentiae & rationis ac modo est, & in sola extrinseca denominatione, sumpta à peccato actuali Adami praeterito, formaliter consistet?

Objicitur quintò: Peccatum nostrum originale debet esse ejusdem rationis, ejusdemque speciei cum peccato Adami; idem enim saltem specie peccatum quod ille commisit, in nos transfundit: Sed peccatum Adami consistebat in positivo: Ergo & peccatum originale quod in nos transfunditur. Major patet, Minor probatur. Peccatum Adami fuit peccatum commissionis contra praeceptum negativum non edendi de ligno vetito, aut non superbiendi: Sed peccatum Dis. 3, commissionis in positivo consistit, ut supra fuse art. 1. ostendimus: Ergo & peccatum Adami.

Respondet distinguendo Majorem: peccatum nostrum originale debet esse ejusdem speciei cum peccato Adami, habituali concedo, actuali nego. Similiter distinguo Minorem: peccatum Adami actuale consistebat in positivo, concedo Minorem: peccatum habituale, nego Minorem, & Consequentiam. In Adamo igitur duplex fuit peccatum, unum actuale, quod fuit actus superbiae, inobedientiae, aut gulae, a quo ipse Adamus dictus est peccans, & nos, prout eramus in illo, dicimus in eo peccasse: aliud vero habituale, quod fuit terminus talis actus, denominavitque Adamum peccatorem. Primum quidem fuit positivum, sicut cetera peccata actualia; quod secundum vero, non fuit pro forma, nisi privatio gratiae vel originalis justitiae, ut patet ex dicendis disputatione sequenti, ubi ostendimus peccatum habituale in privatione gratiae sanctificantis consistere. Unde quia peccatum nostrum originale non se habet per modum actus, sed per modum termini, ut antea declaravimus, neque ab eo dicimus peccantes, sed peccatores, aquiparandum & assimilandum

KKK

potius

potius est peccato habituali Adami, consistenti A in privatione, quam peccato ejus actuali, importanti de formalia liquid positivum.

**136.** Instabis : Peccatum habituali Adami erat ejusdem speciei cum actuali, alias transactio actu non maniflet idem peccatum secundum speciem. Ergo si peccatum actualis Adami consistebat in positivo, idem dicendum erit de habituali; subindeque de peccato originali quod in nos transfunditur, cum illud, ut jam dicebamus, peccato habituali Adami assimiletur.

**137.** Respondeo distinguendo Antecedens : erat ejusdem speciei in genere moris, concedo Antecedens : in esse physico, nego Antecedens, & Consequentiam. Explicatur solutio exemplo peccati commissionis & omissionis. Licet enim peccata commissionis & omissionis ex eodem motivo procedentia, sint ejusdem speciei in esse moris, ut supra ostendimus; quia tamen physicè aut metaphysicè loquendo plusquam species inter se differunt, hujusmodi convenientia specifica in esse moris, non impedit quod unum sit positivum, & aliud privativum. Ita similiter, quamvis peccatum originale, & peccatum actualis Adae, & universaliter peccatum habitualis & actualis ex eo relinquitur, sint ejusdem speciei in esse morali, & prudenti estimatione hominum, tum quia habitualis, cùm sit terminus actualis, reducitur ad illud; tum etiam quia sunt contra eandem legem, & ex eodem motivo procedunt; hoc tamen non obstat quominus in esse physico specie & plusquam specie inter se differant, & unum in positivo, aliud in privativo confusat.

*Disp. 3.  
art. 6.*

**140.** **B** que ad ordinem supernaturalem per gratiam evehere, non potest illis justitiam vel gratiam auferre, nisi in penam aliquius peccari; sicut supposito quod alicui gratiam contulerit, non potest suspendere concursum ipsam conservantem, nisi propter indignitatem subjectatione culpe. Ergo quod Deus justitiam originalem vel gratiam non conferat, pena est alicuius peccati. Tertiò, Non esse gratiae vel justitiae originalis in parvulis, est illis disconveniens & malum, & aliunde est à Deo. Ergo obtinet rationem penae, omne namque malum quod est à Deo, cum prout sic culpa esse non possit, necessario habet rationem penae. Denique, dato, & non concesso, quod privatio gratiae aut justitiae originalis sit effectus, & non pena originalis peccati, non solvit difficultas argumenti propositi, cùm effectus culpæ non minus eam presupponat, quam penam illi debita. Unde

**141.** Respondent alii, privationem gratiae aut justitiae originalis in parvulis esse penam, non quidam culpa originalis ipsi intrinsecè, cùm sit è posterior, sed peccati originalis originantis, nempe peccati actualis, quo Adamus in persona omnium deliquit; unde tale peccatum presupponit, & non constituit. Ita Vazquez hic disp. 132. c. 10.

**142.** Sed hæc etiam solutio communiter rejicitur, quia negari non debet esse intrinsecè in pueris peccato originali infectis pena condignitatem; non enim propter solum peccatum actualis, quod Adamus commisit, sed etiam propter originale, quod ad eos traduxit, excluduntur à regno Dei, & privantur gratia & originali justitiae; quamvis hujusmodi pena utriusque peccato diversimode correspondant, peccato scilicet actuali Adæ tanquam demerito, peccato vero originali sicut termino ejusdem peccati actualis, in quo ipsius demeritum virtualiter permanet.

**143.** Hic ergo solutionibus rejectis, dicendum est, privationem justitiae originalis, quantum ad primarium ejus effectum, qui est subjicere mens

**D** D mēt Deo ut ultimo fini, non esse penam peccati originalis, sed potius rationem formalem constitutivam illius; quantum vero ad alios effectus secundarios, qui sunt subiecto corporis ad animam, & appetitus inferioris ad superioris, esse illius penam, ex privatione enim horum effectuum justitiae originalis, oriuntur in homine concupiscentia, fomes peccati, necessitas moriendi, morbi, & alia hujus vita penitentes, quæ sunt penae peccati originalis, & effectus illius. Vel ut dicunt Salmantenses : privatio gratiae seu justitiae originalis potest considerari dupliciter; primò in quantum est mala Deo & tollit subjectionem ipsi debitam; secundò ut est mala homini, & quatenus tollit perfectionem ipsi promissam & debitam, illumque in seipso perficiens; quemadmodum ipsa gratia sanctificans, quæ tali privationi opponitur, potest considerari vel ut est bonum hominis, & quædam formanda ejus anima maximam perfectionem, scilicet participationem divinae naturæ, quæ redditur in seipso bona, sancta, perfecta, & veluti dei formis; vel ut est bonum Dei, & quatenus animam Deo ut sponsio tradit, & ut ultimo fini subiectum. Si privatio gratiae aut justitiae originalis primo modo spectetur, habet rationem culpe, cum sit aversio moralis & voluntaria à Deo ut sine ultimo si

**144.** secundo modo, habet rationem penae, cùm sit mala & disconveniens homini, & à Deo ordinata contra deordinationem & deformitatem culpe.

**138.** **O**BJICES ultimò : Privatio justitiae originalis est pena peccati originalis : Ergo in tali privatione nequit essentia culpa originalis consistere. Antecedens expresse docetur à S. Thoma infra quæst. 8. art. 5. ubi ait : *Subtractio originalis iustitiae habet rationem penæ, sicut etiam subtractio gratiae.* Item qu. 5. de malo art. 1. sic concludit : *Conveniens pena peccati originalis est subtractio gratiae, & per consequens visionis divine, ad quam homo per gratiam ordinatur.* Ratio etiam id suadet : nihil enim est magis commune & decentatum, quam quod justitia originalis Adamo & ejus posteris ablata sit in penam peccati. Consequenter vero probatur : *Pena supponit in subiecto culpam, cùm idcirco pena inducatur, quia subiectum est illa dignum ratione culpe;* item pena est à Deo, utpote simpliciter bona, & secundum ordinem divinæ justitiae & sapientiae, non vero culpa, cùm sit mala moraliter : Ergo si privatio justitiae originalis sit pena peccati originalis, non potest esse ipsa culpa originalis formaliter, seu ratio formalis constitutiva illius.

**139.** Hoc argumentum valde torquet & exercet Theologorum ingenia, unde ut ab illo se expediant, varias solutiones & dicendi modos excogitarunt. In primis aliqui negant absolutè Antecedens, & dicunt privationem justitiae originalis esse duntaxat effectum peccati originalis, non vero penam illius.

Sed hæc solutio displaceat : Primò quia manifeste repugnat doctrinæ D. Thomæ locis citatis. Secundò, quia supposito quod Deus statuerit conferre hominibus justitiam originalem, illos-

## DE PECCATO ORIGINALI.

443

Nec obstat quod illæ formalitates non realiter, sed virtualiter tantum inter se distinguantur; quia ut ait D. Thomas qu. I. de malo art. 4. ad 1. idem secundum diversa potest esse culpa & pena, non tamen secundum idem.

Dices primò: Culpa non est à Deo. Sed privatio justitiae originalis, ut subjiciens mentem Deo ut ultimo fini, ab ipso causatur: Ergo non habet rationem culpæ. Minor probatur: Justitia originalis, ut subjiciens mentem hominis Deo ut ultimo fini, est habitus pendens à Deo in fieri & conservari: Ergo carentia illius est à Deo subtrahente auxilium, quo producatur vel conservetur.

Respondeo quod quamvis carentia justitiae originalis ut subjiciens mentem Deo, physice sumpta, seu ut proveniens ex subtractione auxilii divini, sit à Deo, quia sub hac ratione est tantum pena, cum propter culpam Deus subtrahat tale auxilium; carentia tamen justitiae originalis ut subjiciens mentem Deo, moraliter spectata, & ut volita voluntate capitatis, sub qua tantum ratione potest dici culpa, non est à Deo, quia ut voluntaria sequitur ad actum voluntatis Adami, non prout ille actus erat à Deo efficiente, sed in quantum erat à voluntate Ada deficiente.

Si dicas secundò, penam debere præsupponere culpam: respondetur quod etiam privatio physica justitiae originalis, quæ est pena peccati originalis, præsupponit eandem privationem ut voluntariam, sub qua formalitate habet rationem culpæ: priùs enim est nostro modo intelligendi privationem illam voluntariam esse voluntate nostri capitatis, quæ illam infligi à Deo; idè namque Deus nobis nascentibus subtrahit auxilium justitiae originalis productivum, quia voluntate primi parentis volumus justitiæ originali privari.

Ex his interes, ad rectè concipiendum totum culpæ originalis processum, quatuor esse distinguenda signa seu instantia rationis. In primis enim concipere debemus puerum sub debito habendi gratiam ex pacto in paradise inito inter Deum & Adamum. Deinde intelligere debemus, peccatum Adami respicere hunc puerum tanquam membrum ipsius Adami, & causare in ipso aversionem voluntariam à Deo ut ultimo fine, seu voluntariam privationem subjectionis debitæ ipsi Deo, in qua originalis culpa formaliter consistit Tertiò intelligendus est idem puer, ratione utriusque peccati, tum Adami, tum proprii, indignus ut Deus ipsi gratiam promissam conferat, subindeque dignus ut denegetur ei ipsagratia, quatenus est bona eidem puer, ordinaturque ad illum perficiendum Denique intelligere debemus, Deum, utroque peccato ad punitionem pueri provocatum, denegare suum concursum collativum gratiae, & hac denegatione causare ipsius gratiae privationem, non prout hæc privatio tollit subjectionem debitam Deo, sed ut tollit perfectionem promissam & debitam puer, illumque in seipso perficiendum, quo pacto talis privatio habet rationem penæ.

Dices: In illo secundo instanti, seu signo rationis, in quo intelligimus peccatum actualē Adami causare in puer privationem subjectionis ad Deum, etiam intelligimus Deum ut negantem concursum collativum gratiae, atque idè ut punientem puerum per talem negationem; alias debemus tunc concipere Deum gratiam insfundentem: Ergo tam titò concipiensus pue-

A rum affici privatione gratiae ut pena, quæm affici privatione illius ut culpā.

Respondeo in tali signo nihil concipi de Deo, sed ab eo præscindi; unde neque concipiimus illum ut negantem concursum gratiae, neque ut illam influente, sed solūm concipiimus id quod ex parte pueri tenet, & quod ex peccato Adami accepit; quod verò propter hoc Deus deneget gratiam, & hac denegatione seu privatione puerum puniat, pertinet ad signa sequentia.

147

## ARTICULUS VI.

B In quo subiectetur originale peccatum?

S. I.

Quorundam premisis difficultas resolvitur.

**N**O T A N D U M primò, quod aliquid potest esse in alio tripliciter: vel sicut in causa principali, ut filius in patre: vel sicut in causa instrumentalis, ut filius in semine patris: vel sicut forma in subiecto, ut albedo in pariete, aut cœcitas in oculo, eo modo quo privatio dicitur habere subiectum.

Notandum secundò, peccatum originale posse considerari dupliciter, nempe formaliter & quad essentiam culpæ, seu quantum ad malitiam primariam & constitutivam; & effectivè quantum ad proprietates, & effectus ex ipso derivatos, qui in ipso de materiali & secundariò importantur. His premissis.

Dico primò, peccatum originale esse in Adamo sicut in causa principali, & in semine sicut in causa instrumentalis. Ita D. Thomas hic qu. 83. art. 1. in corp. ubi sic ait: Peccatum originale omnium hominum fuit quidem in ipso Adamo sicut in prima causa principali, secundum illud Apostoli ad Romanos. 5. In quo omnes peccaverunt. In semine autem corporali est peccatum originale sicut in causa instrumentalis, eo quod per virtutem activam semini traducatur peccatum originale in peccatum simile cum natura humana. Ex quibus sufficienter probata manet nostra conclusio. Unde

Dico secundò, peccatum originale priùs & immediatus recipi in essentia animæ, quæm in ejus potentis; & si quoad essentiam & rationem formaliter culpæ consideretur, recipi in sola essentia animæ; in potentis vero solūm ratione proprietatum; vel effectuum ex ipso procedentium inveniri.

Prima pars est D. Thomæ qu. 4. de malo art. 4 & hic qu. 83. art. 2. ubi eam duplice ratione demonstrat. Prima quam habet in corpore, sic potest proponi. Peccatum originale per originem seu generationem ex Adamo traducitur in posteros: Sed origo seu generatio priùs attingit animam ut terminum, quæm potentias illius: Ergo prius hoc peccatum inhæret animæ, quæm ejus potentis.

Hæc ratio D. Thomæ displicet Vazquezio: Tum quid anima rationalis, cum non educatur è sua materia, sed à Deo immediate procedat, non est terminus generationis, sed creationis. Tum etiam, quia si peccatum originale, eò quod per generationem traducatur, deberet esse priùs in eo quod immediatus generationem terminat, sequeretur illud immediate recipi in totocomposito: hoc enim, & non anima, immediate per generationem attingitur.

148

149

150

151

152

Kkk ii

Sed